



客家語散文教師組 評審感言

羅秀玲

這擺參加客語散文个教師組來講，有十一篇个作品，逐个作品都有厥个風格，有徵文啟事類个、故鄉感念、自然地理同生活情感這兜……散文个寫作，就內容來看，大家投稿寫个文學作品都寫來盡用心，我手寫我口，這係評審先生認為值得讚賞个，但係愛仰仔表達、仰般同故事精采呈現，就愛看各儕个功夫了。

經過評審小組个討論，第一名个係《桂花無風十里香》，寫出麻竹坑莊項个阿貴嫂个人生故事，賢孝又煞猛，還去做志工奉獻服務个精神，值得分人尊敬。

第二名个係《同鳥做朋友》，書寫个客語能力異好，係一篇描寫自家買田地整理，種果樹種花个心路歷程，文句流暢，有自家个體會同感受。

第三名个係《泥磚屋》，通篇刻劃泥磚屋个描寫當有圖像感覺，但後半段對話有一息仔複雜，有運用小說對話个形式出現。

客語文學書寫正開始無幾久，希望大家共下來參與，同教師組个朋友來勉勵，愛繼續寫下去哦！